

UNIVERSITY OF SARAJEVO
FACULTY OF SCIENCE

- Koordinacioni odbor -

Zmaja od Bosne 33-35
Sarajevo
Bosnia and Herzegovina
Phone ++387 (0)33 250510
Fax ++387 (0)33 649359

Broj: 01/01- 221/1-2009
Sarajevo, 03.02.2009.

**SAOPĆENJE ZA JAVNOST
U POVODU INFORMACIJE O NAVODNIM KRIMINALNIM RADNJAMA
NA PRIRODNO-MATEMATIČKOM FAKULTETU SARAJEVO**

Prirodno-matematički fakultet Sarajevo je vodeća naučno-nastavna i naučno-istraživačka ustanova u oblasti prirodnih i matematičkih nauka u Bosni i Hercegovini. Na Prirodno-matematičkom fakultetu je uposleno 183 zaposlenika, od kojih je 62 doktora nauka i 14 magistara nauka, a većina njih je i u najtežim uvjetima opsade Sarajeva dala značajan doprinos opstanku i funkcioniranju Univerziteta u Sarajevu.

Prirodno-matematički fakultet je preteča Bolonjskog procesa u regiji još od 2000. godine.

Od uvođenja izbora najboljeg studenta na Univerzitetu u Sarajevu, svake godine (2006., 2007., i 2008. godine) najbolji studenti Univerziteta u Sarajevu su studenti Prirodno-matematičkog fakulteta Sarajevo.

Objavljivanje informacije na web stranici Federalne policijske uprave o navodnoj zloupotrebi položaja ili ovlaštenja na Prirodno-matematičkom fakultetu Sarajevo, preneseno u medijima prije nego što je dostavljeno Tužilaštvu Kantona Sarajevo, dio je medijske pripreme pred ročište zakazano za 06.02.2009. godine u vezi radno-pravnog spora Dr. Emir Turkušić protiv Prirodno-matematičkog fakulteta Sarajevo.

Naime, istekom izbornog perioda i neizborom u nastavničko zvanje Dr. Emira Turkušića od strane Nastavno-naučnog vijeća Fakulteta, imenovanom prestaje radni odnos u zakonom propisanom roku.

Kontinuitet sprege Dr. Emira Turkušića sa pojedincima unutar policijskih organa, zbog kojih je svojevrmeno Komesar Policije Kantona Sarajevo, bio primoran da se javno izvini tadašnjem dekanu Prirodno-matematičkog fakulteta, je očito još uvijek prisutan.

Dr. Emir Turkušić je u svojstvu ministra za obrazovanje i nauku Kantona Sarajevo, svojim prekoračenjem ovlaštenja doveo u blokadu rad Prirodno-matematičkog fakulteta Sarajevo, od marta 2005. godine do donošenja pravosnažne sudske presude o nezakonito provedenoj proceduri imenovanja dekana Dr. Nenada Tanovića u martu 2007. godine.

Kao Institucija koja je i u takvim uslovima odbranila najviše standarde akademske zajednice, zastupljene u Bolonjskoj deklaraciji, čiji je potpisnik i Bosna i Hercegovina, očekujemo od sredstava javnog informisanja da doprinesu zajedničkoj borbi protiv dalekosežno organizovane korupcije za koju je Dr. Emir Turkušić stvorio pretpostavke za vrijeme svog ministarskog mandata.

DEKAN FAKULTETA

Prof. dr Muriz Spahić

Napomena:

Prirodno-matematički fakultet je pokrenuo prijavu protiv dr. Emira Turkušića još 2004. godine, koja nikada nije procesuirana. Povodom navedene prijave Fakultet je urgirao prošle godine kod Kantonalnog tužilaštva i Visokog sudskog i tužilačkog vijeća, ali bez ikakve reakcije i odgovora. Prednost privatne, nad institucionalnom prijavom potvrđuje osnovane sumnje u cjelokupnu provedenu istražnu radnju.